

# Pelajar UMS tambah kemahiran insaniah melalui kursus jurulatih

NST 20.3.2014 22

KOTA KINABALU: Kolej Kediaman Cemerlang Dinamik (CD) dengan kerjasama Majlis Sukan Negara (MSN), Kesatuan Olahraga Malaysia (KOAM) dan Majlis Pengetua Kolej Kediaman (MAPEK) telah mengadakan Kursus Jurulatih Olahraga Tahap 1, baru-baru ini.

Seramai 61 peserta terdiri daripada pelajar kolej kediaman AB, CD, E, Indah Permai, Sri Angkasa dan Kingfisher UMS di samping empat peserta luar telah menyertai kursus tersebut.

Ia dikendalikan oleh beberapa pakar dalam bidang olahraga; antaranya ialah

Naib Presiden Kesatuan Olahraga Malaysia, K. Yogasveran; Pensyarah Persekutuan Olahraga Antarabangsa (IAAF) Academy Diploma Coach, S. Anbarassu; Jurulatih Olahraga MSN Pulau Pinang, Simon Lau Chin Meng; Jurulatih Olahraga Kebangsaan, Raymie A. Bakar dan mantan Penyelaras Program Pembangunan Olahraga Remaja MSN, Pathmanathan K Supiah.

Kursus selama lapan hari itu telah diisi dengan beberapa program seperti UMS-IAAF Kids' Athletic, pengenalpastian bakat, komunikasi, latihan acara spesifik dan sesi

penilaian.

Majlis perasmian dan penutupan telah disempurnakan oleh Pengetua Kolej Kediaman CD iaitu Dr. Mohamad Nizam Nazarudin.

Dalam ucapannya beliau menegaskan bahawa Sabah sememangnya mempunyai ramai bakat terpendam dalam olahraga.

Justeru, beliau mengharapkan para peserta yang dilatih sepanjang kursus itu mampu memikul tugas sebagai jurulatih baharu yang akan bersama-sama dalam mengenal pasti atlet-atlet berbakat yang boleh diketengahkan.

"Kolej CD juga meran-

cang menganjurkan Kursus Jurulatih Olahraga Tahap 1 dan 2 jika diberikan peluang sekali lagi dalam usaha menerapkan kemahiran insaniah kepada bakal graduan-graduan UMS agar terus mampu bersaing dan sentiasa mem-

punyai kebolehpasaran yang tinggi pada masa akan datang," tambahnya lagi.

Pada majlis itu kesemua peserta kursus telah lulus dan 32 daripadanya telah diumumkan layak untuk ke Kursus Jurulatih Olahraga Tahap

2. Pelajar Sains Sukan UMS, Nitas Camillus Tan Sing Bee dan Azrisan Ahsan masing-masing telah dinobatkan sebagai Peserta Kursus Terbaik Kategori Praktikal dan Peserta Kursus Terbaik Kategori Teori.



KENANGAN... peserta dan jurulatih merakamkan kenangan selepas kursus selesai.



TUNJUK AJAR...  
Simon  
melakukan  
demonstrasi  
pada kursus  
itu.



TIPS ... sesi permulaan untuk upacara pecut.



PENERANGAN ... K.Yogesyaran memberikan penerangan.